

SARS e kgopela bengmešomo go fihlelela letšatši la makgaola kang

Tshwane, Labobedi 25 Mei 2021 – Ditirelo tša Motšhelo tša Afrika Borwa (SARS) di kgopela bengmešomo ka moka go obamela boitlemo bja bona bja semolao bja mabapi le Setlha sa go Faela sa Bengmešomo sa ngwaga ka ngwaga ka go fihlelela letšatši la makgaola kang la 31 Mei go efoga dikotlo, ditswala le/goba ditefišo tša go tlola molao.

Bengmešomo ba kgopelwa go romela Ditaodišo tša bona tša Poelanyo ya Dipuku tša Ngwaga ka ngwaga tša Bengmešoo (EMP501) go SARS, gammogo le ditaodišo tšeo di šaletšego morago tša kgwedi ka kgwedi (EMP201) le dipoelanyo tša ngwagola tša ngwaga ka ngwaga (EMP501).

Ditefelo tša Lefela-ka-ge-o-gola (PAYE) di swanetše go ba di lefetšwe ka nako gape data yeo e rometšwego go SARS e swanetše go ba e tiišeditšwe gape e le ya maleba, Data ya go nepa e bohlokwa gore SARS e kgone go tlaletša sa ruri dipušetšo tša motšhelo wa letseno le kelo le go ela ka go itiriša balefela motšhelo bao ba šupeditšwego ka mokgwa wa maleba. Data ya go nepa gape e bohlokwa fao balefela motšhelo ba swanetšego go faela pušetšo, go ba kgontšha gore ba diriše tshedimošo ya maleba ka setlha sa go faela bakeng sa batho ka noši, seo se thomago ka la 1 Julae.

SARS e kgopela bašomi go lekola dintlha tša bona go IRP5/IT3(a) ge eba di nepagetše. Baabatirelo ba Maloko a Boraro bjale ka dikimi tša thušo ya kalafo le dipanka le bona ba kgopelwa go romela tshedimošo ya go tiišetšwa gape ya maleba go SARS le go bareki ba bona.

Tše ke dinyakwa tše bohlokwa gore SARS e kgone go fana ka ditirelo tša tshepetšo ya maleba gape ya go thelela go balefela motšhelo go ya ka tebo ya rena ya go nolofaletša balefela motšhelo go obamela boitlemo bja bona.

Bengmešomo, ditsebi tša motšhelo le balaodi ba megolo ba hloka go taonelouta bešene ya moragorago ya Employers e@syFile. Kanale ye ya inthanete e dumelela bengmešomo go romela di EMP501 tša bona ka mokgwa wa elektroniki. SARS gape e tlhohleletša dikgwebotše nnyane, tša magareng le tše kgolo (SMMEs) go diriša platformo ye le go šutha go tloga go tirišoatla go ya go mokgwatšhomo wa go itiriša wa megolo. Bao ba nyakago mešomo la mathomo ba ka ngwadiša bakeng sa motšhelo wa letseno la mong. Go tšea fela diiri tša ka fase ga tše 24 go amogela SMS le nomoro tšhupetšo e mpsha ya motšhelo ge o dira kgopelo ka eFiling.

Go hwetša tshedimošo enngwe ka ga Setlha sa Bengmešomo sa go Faela, etela wepsaete ya SARS www.sars.gov.za

